



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.32. Persecutio in Oriente. S. Stephanus Auxentianus.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. *ut commode habitent, & hic permaneant,*  
 A.C. 761. *usque dum cantandi in Ecclesia artem*  
 Cod. Carol. *plene didicerint.* In alia Epistola dicitur  
 ep. 25. embol. *Mittimus vobis omnes libros, quos invenire potuimus, videlicet Antiphonale, Responsoria, Dialecticam Aristotelis, Libros S. Dionysii Areopagitæ, Geometricam, Orthographiam, Grammaticam, omnia Græce scripta, & horologium ætæternum, id est, tale quod solis lumine non indigebat, sive rotulis sicut horologia nostra, sive aqua moveretur, vel etiam arenula delabente constaret, quales antiquæ clepsydræ erant.*

## §. XXXII.

*Persecutio in Oriente. S. Stephanus Auxentianus.*

*Interim Constantinus Imperator Catholicos sacrarum imaginum causa persecui non cessabat, præprimis Monachos, quos Anneomotettoi, id est, facem abominabilem, & ne quidem hominum memoria dignam esse dicebat. Anno Regni sui vigesimo primo, Jesu Christi septingentesimo sexagesimo primo flagris concidi usque ad necem iussit Andreæ Monachum celebrem, cognomento Calybitam, seu Cretensem, qui Imperatori impietatem suam exprobrabat, eumque alterum Valentem, alterum Julianum Apostatam, appellabat. Andreas passus*

passus est in Circo S. Mamæ extra urbem, Sæcul. VIII.  
 iussitque Imperator corpus ejus in mare A. C. 761.  
 projici. At piæ ipsius sorores ablatum Cang. C. P.  
 in quodam loco *Chrysis* dicto, unde & Lib. II. p.  
 ipsi nomen hæsit, sepelierunt. 107. n. 16.

Ecclesia ejus memoriam decima se- Mart. Rom.  
 ptima Octobris honorat. 17. Octobr.

Sub idem tempus cum fama S. Ste- vit. S. Steph.  
 phani Abbatis in Monte Auxentiano ad to. I. annal.  
 Imperatorem pervenisset, misit ad eum gr. p. 457.

Patricium, nomine Callistum, cum man-  
 datis ejusmodi: *Dic ei meo nomine, quod  
 pietatis ejus amator cum sim, jubeam  
 ipsum Definitioni Concilii nostri subscri-  
 bere. Præterea Dactylos, ficus, & quæ-  
 dam alia edulia monasticæ professioni con-  
 venientia ad eum defer.* Callisto, quod  
 sibi imperatum fuerat, facienti Step-  
 hanus respondit: *Domine mi! Definitioni  
 Conciliabuli hujus, Doctrinam Hæreti-  
 cam proponentis, subscribere nequeo, nec  
 Prophetæ maledictionem in me provoca-  
 re volo, si dulce esse dicerem, quod est a-  
 marum. Pro adoratione Sanctarum i-  
 maginum mori paratus sum, & Impera-  
 torem Hæresiarcham, qui eas rejicere au-  
 sus est, contemno.* Tum dextram in pu-  
 gnum contrahens adjecit: *Etsi plus  
 sanguinis mihi non superesset, quam  
 quantum hæc vola caperet, totum pro  
 Jesu Christi imagine profundere cu-  
 pio. Alimenta vero, quæ misit, ad eun-  
 dem*

p. 458.

Is. 5. 20.

Sæcul. VIII. *dem reporta; oleum enim peccatoris non*  
 A.C. 763. *impinguet caput meum.*

*Psal. 140. 5.* Imperator tantæ audaciæ responso  
 ad iracundiam incitatus Patricium addi-  
 tis militibus illuc remittit cum mandato  
 Stephanum e sua Cellula abstraheret, &  
 ad Monasterium inferius deductum cu-  
 stodiret, donec nunciari juberet, quid  
 de ipso decrevisset. Erat autem S. Ste-  
 phani Cellula angusta caverna in verti-  
 ce petræ, cubitum unum & dimidium

p. 432.

longa, & duos alta. Qua autem Orien-  
 tem spectat, loculum foderat, in quo o-  
 rabat, sed tam humilem, ut non nisi in-  
 clinato corpore ibi esse posset. Reliqua  
 pars hujus specus sine tecto erat, pote-  
 ratque verius sepulchrum quam Cella

p. 435.

*Matth. 7. 14.*

dici. Discipulis suis interrogantibus,  
 cur locum sibi angustissimum parasset;  
 respondit: *Arcta via est, quæ ducit ad*  
*vitam.* Ibi igitur Vir Sanctus solis at-  
 doribus, hyemisque rigori expositus per-  
 durabat. Vestimentum erat tunica pel-  
 licea, quam catena ferrea decussata ab  
 humeris usque ad renes, ubi clavis con-  
 nexa erat cingulo ferreo, rursusque alteri  
 sub axillis, circuibat.

p. 459.

Milites ad hanc Cellulam pervenien-  
 tes inde Virum Sanctum eruunt, por-  
 tantque; nam, cum semper in illo specu  
 perseveraret, curvata pertinaciter erant  
 genua, quæ nec erigere poterat nec mo-  
 vere.

vere. Præterea continua abstinentia vires omnes exhausterat. Itaque milites novo spectaculo attoniti & commiseratione moti e terra junctis viribus levant, monent, ut manus humeris ipsorum imponeret, & ipsi genua infirmi sustentant. Ita ad cæmeterium Auxentianum deferunt, & cum suis Monachis includunt. Ipsi ad portam excubant, Imperatoris mandata expectantes. Interim S. Stephanus cum Monachis orationem decantabat hujusmodi: *Sanctam imaginem tuam, Domine! adoramus.* Et deinde aliam: *Incidi in latrones cogitationum mearum, qui me spoliaverunt.* Volebat dicere, quod e quiete sua excitus, & a dulcedine contemplationis fuisset abstractus. Hæc audientes Excubitores dicebant: *Reverabi Monachi, dum innocii male habentur, merito nos latronibus æquiparant.* S. Stephanus & socii ejus ita inclusi sex dies sine cibo perseverarunt; at die septimo adest alius miles ab Imperatore missus, qui Virum Sanctum in suam Cellulam reduxit. Quippe Constantinus cogebatur expeditionem suscipere in Scythas, id est, in Bulgaros, qui mense Junio anno Constantini vigesimo secundo, Indictione prima, seu anno septingentesimo sexagesimo tertio Romanos laceffere cœperunt. Milites abiturum se S. Stephani precibus comendarunt.

Sæcul. VIII.  
A. C. 763.

Theoph. p.  
364.

§.XXXIII.